

摘藻堂四庫全書薈要

子部

欽定四庫全書薈要

子部

御定淵鑑類函卷五

詳校官兵部主事臣雷純

欽定四庫全書薈要卷一萬一千四百五十三

子部

御定淵鑑類函卷五

天部五

天漢

雲

天漢一

增詩曰倬彼雲漢昭回于天 又曰倬彼雲漢為章于

天 左傳曰昭公四年星孛及漢水祥也 爾雅云析

木謂之津箕斗之間漢津也 大戴禮曰夏小正七月

漢案戶

案戶直戶也言正南北也

孝經援神契曰河者水之伯上

應天漢 史記天官書曰漢者金之散氣其本曰水漢

星多則多水少則旱 晉書曰天漢起東方經箕尾間

謂之漢津 唐書曰雲漢自坤抵艮為地紀北斗自乾

攜巽為天綱其分野與帝車相直皆五帝墟也 抱朴

子曰天河從西北極分為兩頭至于南極其一經南井

中過其一經東井中過河者天之水也隨天而轉入地

下過 淮南子曰烏鵲填河成橋而渡織女 埤雅曰

水氣之在天為雲水象之在天為漢 廣志曰天河曰

銀漢又曰銀河亦曰天漢天津絳河明河 張衡靈憲
曰水精為天漢 緯書曰王者有道則河直如繩

天漢二

增三輔黃圖曰秦皇都咸陽端門四達以象紫宮渭水
貫都以象天河橫橋南渡以象牽牛 荆楚歲時記曰
漢武帝令張騫使大夏尋河源乘槎經月而至一處見
城郭如州府室內有一女織又見一丈夫牽牛飲河騫
問曰此是何處答曰可問嚴君平織女取杼機石與騫

俱還後至蜀問君平君平曰某年某月客星犯牛女搢

機石為東方朔所識 幽明錄曰晉宋黃祖奉親至孝

母病篤天漢明開有一老父將小兒持箱自通即以兩
丸藥賜母服之患頓消因以停宿夜中廳事上有五色
氣際天琴歌清好祖往視之見坐帳裏四角及頂上各
有一大珠形如雞子明彩炫耀 南墅閒居錄曰元豐

末有人攜支機石投進者廣可二尺許不圓微戔而碧
色天漢左界北斗經其上 搜神記曰謝端少喪父母

為鄰人所養年十七未娶後於海中得一大螺貯甕中
每自野還見有飲飯湯火端疑之於籬外窺見一少女
從甕中出炊便入問之答曰妾天漢中白水素女也天
帝哀卿孤貧恭順使我相為守舍待卿取婦當還去今
無故相伺不宜復留今留此貯米穀可得不乏忽有風
雨而去

天漢三

原案戶

乘搓

上詳漢一
下詳漢二

左界

南躔

左界褒斜
躔歷也見文

選

疏派

為章

疏派天潢為章于天

昭回

清淺

詩曰昭回于天注昭

回光轉也

古詩曰河漢清且淺相去詎幾許盈盈一水間脉脉不得語

鵲橋

星石

詳上

漢一

耿耿

昭昭

秋河曙耿耿昭昭清漢輝

增金精

水

氣

漢天官書漢者金氣之精也精光轉達于天

天潢

地紀

天官

書漢中四星曰天駟旁有八星絕漢曰天潢

含星

讓月

左思蜀都賦雲漢含

星而光耀洪流杜詩含星動雙闕伴月入邊城

上浮

南轉

上詳漢四下

詳漢

紅牆

銀漢

李商隱詩本來銀漢是紅牆隔得盧家白玉堂

女子授

石壯士洗兵

上詳漢二杜詩安得壯士挽天河淨洗甲兵常不用

老父賜

藥

少女代炊

俱詳漢二

天漢四

原河精

河圖括地象河精上為天漢

水精

楊泉物理論水之精氣上浮宛轉隨流水名曰天漢

象天河

詳漢二

涉天漢

抱朴子若浮南濱而涉天漢

維天有漢

詩曰

維天有漢監亦有光

對彼雲漢

韓詩對彼雲漢注宣王遭亂仰天也

箕斗之間

漢津

爾雅注箕龍尾斗南斗天漢之津梁

天官高為五漢

樂叶圖

隱見

迴旋

通海

竟天

天漢

天津

銀漢

絳河

明河

斜漢

淺河

星漢

河漢

增南傾

選詩招搖

西北指天西流魏文帝詩雲漢西流夜未央牽牛織女漢東南傾遙相望杜詩迢迢秋夜永河漢正西流

無梁

陸士衡詩怨彼河無梁

如埽

杜牧詩初旭紅可染明河澹如埽

繞塞

杜詩

明河繞

帶天

晉天文志河漢委蛇而帶天

銀灣

銀浦

雞跖集許洞謂銀河

塞微

為銀灣李賀謂為銀浦

星孛及漢

詳漢一

鈎星在漢

何平叔云列若鈎星漢

銀河

雲漢

銀漢

金漢

星河

傾河

言天漢將斜而

傾之也

繩河

言如繩之直也

銀河倒列星

杜甫詩

銀河倒瀉三

石梁

李白詩

天漢五

詩原陳張正見賦得秋河曙耿耿詩曰耿耿長河曙濫
濫宿雲浮天路橫秋水星橋轉夜流月下姮娥落風驚
織女秋德星猶可見仙槎不復留 唐宋之問明河篇

曰八月涼風天氣清萬里無雲河漢明昏見南樓清且
淺曉落西山縱復橫洛陽城闕天中起長河夜夜千門
裏複道連甍共蔽虧畫堂瓊戶特相宜雲母屏前初汎
濫水精簾外轉逶迤倬彼昭回如練白復出東城接南
陌南陌征人去不歸誰知今夜擣寒衣鴛鴦機上疎星

度烏鵲橋邊一鴈飛
鴈飛螢度愁難歇
坐見銀河漸微沒
已能舒卷任浮雲
不惜光輝讓流月
明河可望不可親
願得乘槎一問津
更將織女支機石
還訪成都賣卜人
增陳潤賦得秋河曙
耿耿詩曰曉鏡高
秋夜微明欲曙河
橋成鵲已去機罷
女應過月上殊開
練雲行類動波尋
源不可到耿耿復
如何杜甫天河詩
曰常時任顯晦秋
至最分明縱被微
雲掩終當永夜清
含星動雙闕伴月
落邊城牛女年年
渡何曾風浪生張
仲素

賦得玉繩低建章詩曰迢迢玉繩下芒彩正闌干稍復
臨鳩鵲方疑近露寒微明連粉堞的皪映仙盤橫接河
流淺低將夜色殘天榆隨影沒宮樹與光攢遐想西垣
客長吟欲罷難元劉因賦得明河秋夕圖詩曰明河
澹澹縱復橫行雲悠悠度疎星鳳媒不來烏夜驚瓊枝
玉佩遲所託畫中隱隱聞機聲秋來秋去今猶古此恨
不隨天宇青崑崙西頭風浪平辦我一舟蓮葉輕浩歌
中流擊明月九原喚起嚴君平人間此水何時清

賦增唐謝偃明河賦曰月初回於夕陽日夜沒於天綱
步庭砌以游行覺雲霄之杳茫氣象萬殊緬星河而盡
列光輝一道羅銀漢之靈長徒觀其粲兮如磋潔兮如
磨明月照而不失其素飄風驚而匪揚其波莫測其深
含天際之四氣莫度其遠掩人間之衆河及夫歲入三
秋勢直千里度龍駕而容曳構鵲橋而迤邐霞妝星靨
知婺女之不如雜佩明璫必姮娥之相似七夕作之以
良會羣方於是而仰止固能流不可準涯不可度旣莫

見乎端倪亦焉知其厚薄夫其為謙也太陽曜而不爭
其光夫其為德也巨海枯而莫之能涸奪凝霜之漫漫
方白石之鑿鑿居崇高而不危體虛無而自若名連地
脉影雜天文當霽夕而逾曉凝微雨以暫曛明白可稱
則皓如曳練正平可緝亦矗似長雲亘紫極以斜轉橫
碧空而中分吐宵光而澹灩含曙色而氤氲將欲問之
於槎客如何欲決於嚴君 張環秋河賦曰倬彼昭回
鑿天而開含秋耿耿積曙皚皚水清淺而不落光逶迤

而屢迴非碧海之分上即黃河之轉來萬里直繩九霄
橫帶奕奕高影湯湯連瀨透垂簾於戶前飛瀑布於雲
外黯如平江不動矗似長雲欲銷映東吳而寫練掛南
斗而成橋氣象晶明波瀾瀕洞泛濫星照紆餘月弄界
黃道而宵迎落青山而曉送雖滔天而作限乃沃日而
為節識示盈而必謙恒昏凝而晝滅亦猶靈烏之謝顧
兔之缺適足明其舒卷夫何累乎昭晰於是張平子仰
而歎曰此何靈輝若有若微杳杳迴薄茫茫是非鵲填

銀而何去人取石而何依乘槎之子兮上不上弄杼之
女兮歸不歸坐迴遑而曉失空白露兮霑衣 盧肇天
河賦曰惟天有河是生水德凌浩渺之元氣掛崢嶸之
遠色所以正辰極奠南北其清莫挹濯星斗以滋上玄
其惡可流蕩雲霓而臨下國赫赫融融自西自東沿大
象而其源不竭橫終古而其運無窮磅礴九霄浸潤豈
沾於土宇輕清一氣波瀾寧動於天風匪蕩蕩而就下
但耿耿而浮空處晝則潛由昏則見俟良夜之延矚故

幽明而自擅光連月窟何慙媚以懷珠影照天津豈愧
靜而如練至若白榆風勁折木煙秋吹玉葉而將落泛
金波而共流皎晶無際闌干自浮渡蟾魄之孤輪不聞
濡軌漲鵲橋之遠岸詎見操舟莫議高深孰能揭厲演
漾必滋於若木氤氲更襲於丹桂映蒼天而漸出想積
石於河源拂遠樹以將低誤一葦於天際遙思濯手遠
憶乘槎流合璧之輝幾疑沉玉映散金之氣或類披沙
辨牛豈見其津涘聞雞遽隱於雲霞是宜以河之名居

天之大閤道蛇橫於曲渚驪珠蚌剖乎淺瀨源流自遠
清無可羨之魚分野甚明皎若誓封之帶鑿自太古疏
於圀靈奔注肯隨於川瀆高明自貫於日星夫其濟黃
道決青冥蔭地軸灑天經悠矣久矣配吾君之永寧

王損之曙觀秋河賦曰邈彼斜漢麗於中天遇良宵之
已艾與清景而相鮮勢則昭回旣闌干而遠映時方蕭
瑟亦汎濫而高懸的爾遙分淒然仰眺澄奕奕之浮彩
臨蒼蒼而引耀孤星廻泛狀清淺之沉珠殘月斜臨似

滄浪之垂釣輕暉冪冪遠景蕭蕭色分隱映光凝沈寥
疑瀑布而不落似輕雲之欲銷夜景將分清光向曉縈
碧落以廻薄澹晴空而縹緲躋攀不及限一水以心遙
瞻望空勞邈九霄而思杳發跡無際凌虛不傾積曙色
之牢落涵爽氣之淒清疑曳練而勢遠訝殘虹而體輕
遠想牽牛漸失迢迢之狀遙思弄杼無聞軋軋之聲景
氣潛昭氛埃遠屏寧在地以為狀信滔天而掛影可以
玩清光狎餘景分暉爽亮向曉色而亭亭遠勢縱橫帶

秋光之耿耿偉茲垂象倬彼青霄映星躔之的的出雲
路以昭昭想穿鑿之初悠然莫測稽源流之始邈矣方
遙則知匪自人功實惟天設自虛無而想像界寥廓而
昭晰意天邊之橫注遠若波瀾想空裏之潛流遙疑鳴
咽宜其臨清泚挹澄澈儻天路之可昇與清漪而比潔

雲一 瑞雲并八

增釋名曰雲猶云云衆盛也 春秋說題辭曰雲之為
言運也觸石而起謂之雲含陽氣而起以精運也 易

曰雲行雨施品物流形 原又曰雲從龍風從虎聖人

作而萬物覩 又曰密雲不雨自我西郊 又曰坎為

雲 毛詩曰英英白雲露彼菅茅 又曰薈兮蔚兮南

山朝隤

薈蔚雲興貌

增又曰上天同雲雨雪紛紛 原禮

記曰天降時雨山川出雲 增又曰山陵川谷丘陵能

出雲為風雨 原周禮曰保章氏以五雲之物辨吉凶

水旱豐荒之祲

至分觀雲色青為蟲白為喪赤為兵荒黑為水黃為豐

左傳曰

黃帝以雲紀官故為雲師而雲名 又曰凡分至啓閉

必書雲物為備故也 公羊傳曰觸石而出膚寸而合
不崇朝而徧雨乎天下者其泰山之雲乎 易通卦驗
曰冬至初陽雲出箕如樹木之狀立春青陽雲出房如
積水春分正陽雲出軫如白鵠穀雨太陽雲出張如車
蓋立夏初陰雲出觜如赤珠夏至少陰雲如水波寒露
正陰雲如冠纓霜降太陰雲出上如羊下如礧石 京
房易飛候曰視四方常有六雲五色具其下賢人隱也
青雲潤澤在西北為舉賢良黃雲如覆車大豐也 增

又曰凡候雨有黑雲如羣羊奔如飛鳥五日必雨 又

曰凡候雨以朔望弦晦有蒼黑雲細雲如杼軸蔽日月

五日必雨 原尚書大傳曰於時俊乂百工相和而歌

卿雲乃倡之曰卿雲爛兮糾縵縵兮日月光華旦復旦

兮 春秋運斗樞曰天樞得則景雲出 增又曰天子

孝則景雲出 原春秋元命苞曰陰陽聚為雲 增春

秋說題辭曰雲師曰豐隆 原禮統曰雲者運氣布恩

普也 禮斗威儀曰其君乘水而王為人黑色大耳其

政和平時則景雲至 增又曰景雲景明也言雲氣光明也 原孝經援神契曰天子孝天龍負圖地龜出土天孽消滅景雲出游 增又曰王者德至山陵則景雲見 原史記曰若煙非煙若雲非雲郁郁紛紛蕭索輪囷是謂卿雲慶雲見喜氣也 增又曰凡望氣陣雲如立垣舒雲類杼軸 國史補曰暴風之候有砲車雲原莊子廣成子謂黃帝曰汝治天下雲氣不待族而雨又曰華封人謂堯曰夫聖人鵲居而鰲食天下有道

與物皆昌天下無道則厭世上仙乘彼白雲至於帝鄉

詳聖 增又曰雲將東遊過扶搖之枝而適遭鴻蒙曰天

氣不和地氣鬱結六氣不調四時不節今我願合六精

以育羣生

注云雲將雲主帥也

淮南子曰先王之政四海之雲

至而脩封疆注云立春之後四海出雲也 又曰八極

之雲是雨天下八門之風是節寒暑八紘八寅大澤之

雲以雨九州而和中土 又曰周雲之籠莖遼巢澎漚

而為雨注云周密也籠莖聚合也遼巢澎漚蘊藉貌

又曰山雲蒸柱潤礎

音楚石
礎也

又曰伯益作井而龍登

玄雲注云龍在黃泉下恐害及故也 抱朴子曰千歲

之龜五色具焉浮於蓮葉之上或在叢著之下其上時

有白雲 又曰俗有見遊雲西馳而謂月之東行 原

呂氏春秋曰山雲草莽水雲魚鱗旱雲煙火雨雲水氣

無不比類其所生以示人 增相雨書曰四方有濯魚

雲疾者立雨遲者雨少難至江漢雲疾者即日雨 原

說文曰雲山川氣也從雨云象回轉形也

一金

雲覆

日也 增又曰圜圜升雲半有半無圜回行也 原河

圖曰崑崙山有五色雲氣 增又河圖帝通紀曰雲者

天地之本也 又河圖始開曰黃泉之埃上有黃雲青

泉之埃上有青雲赤泉之埃上有赤雲白泉之埃上有

白雲玄泉之埃上有玄雲 原孫氏瑞應圖曰景雲者

太平之應也一曰慶雲非氣非煙五色綢繆謂之慶雲

增又曰梢雲瑞雲人君德至則出若樹木梢梢然也

原西京雜記曰瑞雲曰慶雲曰景雲

雲五色
曰慶

慶雲

或曰卿雲雲外赤內青謂之喬

以律反

雲

雲二色曰喬亦瑞雲也

雪雲曰同雲

雲陰竟天同為一色

呂氏春秋曰雲師曰屏翳

增又曰太平之時雲則五色而為慶三色而成喬 原

楚辭曰雲霏霏而承宇 又曰青雲衣兮白霓裳 又

曰冠青雲之崔嵬 東方朔別傳曰凡占長吏下車當

視天有黃雲來覆車五穀大熟青雲致兵白雲致盜黑

雲多水赤雲多大 陸賈新語曰邪臣之蔽賢猶浮雲

之鄣日月也 晉書曰韓雲如布趙雲如牛楚雲如日

宋雲如車魯雲如馬衛雲如犬周雲如輪秦雲如行人
魏雲如鼠齊雲如絳衣越雲如龍蜀雲如囿 增又曰
有雲如丹蛇隨星後大戰殺將 又曰雲如雄雉或如
雄雞臨城其城必降 兵書按要曰孫子稱司雲氣非
雲非煙非塵非霧形似禽獸客吉主人忌 黃帝素問
曰清陽為天濁陰為地地氣上為雲天氣下為雨雨出
地氣雲出天氣注云陰凝上結則合以成雲陽散下流
則注而為雨雨從雲以施化故言雨出地氣憑氣以交

合故言雲出天氣 又曰初出為雲繁雲為翳 山海

經曰符陽之山怪雲所出 洛書曰蒼帝起青雲扶日

赤帝起赤雲扶日黃帝起黃雲扶日白帝起白雲扶日

軍國占候曰若壬子日有黑雲如一匹布其國兵起

天文要集曰河有雲黑狀似船若一匹布維河十日

內大雨 又曰北斗者不欲雲覆之有黑雲覆之天大

雨 感應類從曰蘆灰投地蒼雲自滅 物類相感志

曰襄陽石梁山出雲應驗符合鄉人候之若白雲起定

雨黃雲起則風黑雲起則多病 王子年拾遺記曰崑

崙山有九層每層相去萬里有雲氣五色從下望之皆

有城闕之象 又曰崑崙者西方曰須彌山有九層其

第七層有景雲以映朝日 又曰嶠山一名環丘有雲

石駁駱如錦川扣之則片片蓊蓊然雲出俄而遍潤天

下西有星池有爛石常浮於水邊其色紅質虛似肺燒

之有煙香聞數百里煙氣升天則成香雲遍潤則成香

雨 劉澄之揚州記曰婁縣有馬鞍山天將雨輒有雲

來映此山山出雲應之乃大雨 風土記曰烏程縣有

卞山望氣云有黃氣紫雲 張野廬山記曰有白雲冠

帶巖巖謂之山帶 洞冥記曰吉雲之國俗常以雲占

吉凶 京房風角要訣曰候雨法有黑雲如一匹帛干

日中即日大雨二匹為二日雨三匹為三日雨 司馬

相如封禪頌曰自我天覆雲之油油 邵康節曰水雲

黑火雲赤土雲黃石雲白 黃帝岐伯經云岐伯乘絳

雲之車駕十二白鹿遊于蓬萊之山 華嚴經云妙羅

雲雲如羅也妙鬢雲雲如美人髮也樓閣雲雲如樓臺殿閣也

雲二

原春秋孔演圖曰黃帝之將興黃雲升于堂增史記曰黃帝合符釜山洞冥記曰東海大明之墟有釜山山出瑞雲應王者之符命蓋黃帝黃雲之瑞故曰合符應於釜山也古今注曰黃帝與蚩尤戰于涿鹿之野常有五色雲氣金枝玉葉止于帝上有花葩之象因作華

蓋原春秋合誠圖曰堯母慶都蓋大帝之女生于斗維之野常在三河東南天大雷電有血流潤大石之中生慶都長大形象大帝常有黃雲覆蓋之蔑食不飢年二十寄伊長孺家無夫出觀三河奄然陰風赤龍與慶都合有娠而生堯也尚書中候曰堯沉璧于河白雲起迴風搖落增春秋孔演圖曰文命之候元龍御雲天命于湯白雲入房

注白雲金精入湯房也

尚書中候曰周成

王觀于洛河沉璧禮畢王退俟至于日昧榮光併出幕

青雲浮洛 埤史曰穆天子傳云天子觴西王母于瑤

池之上王母為謠曰白雲在天丘陵自出道路悠遠山

川間之 春秋文曜鉤曰楚有蒼雲如霓圍軫七蟠中

有荷斧之人向軫而蹲太史唐勒以葭灰遺于地乃更

滅拂之其蒼雲為之半滅又遺灰乃盡去之故曰唐史

之策上滅蒼雲 襄陽耆舊傳曰赤帝女姚姬未行而

卒葬于巫山之陽故曰巫山之女楚懷王遊于高唐晝

寢夢與神遇去而辭曰妾在巫山之陽高丘之岨朝為

行雲暮為行雨朝朝暮暮陽臺之下旦朝視之如言故
為立廟號曰朝雲 漢書曰高祖隱於芒碭山澤間呂
后與人俱求常得之高祖怪問之呂后曰季所居上常
有雲氣故往從常得季 原又曰武帝封泰山夜有光
晝有白雲起于封中 增又曰武帝時汾陰得寶鼎迎
至甘泉宮黃雲蓋其上 原漢武帝故事云上幸梁父
祠地上親拜用樂焉其日上有白雲又有呼萬歲者禪
肅然白雲為蓋 增漢武內傳曰帝于尋真臺七月七

日夜見西王母乘紫雲輦來雲氣勃鬱盡為香氣十

洲記曰天漢三年月氏國獻神香使者曰國有常占東
風入律百旬不休青雲干呂連月不散意中國有好道
之君故貢神香 洞冥記曰東方朔至東極過吉雲之
澤雲起五色草木皆成五色露帝得之遍賜羣臣 原
漢書曰宣帝祠甘泉紫雲從西北來散于殿前 增封
禪儀曰光武封太山雲氣成宮闕百官並見之 後漢
書曰樊英隱于壺山之陽曾有暴風從西方起英謂學

者曰成都市火甚盛因含水西向漱之時客有從蜀郡
來者云是日大火有黑雲從東方起須臾大雨火滅
原搜神記曰薊子訓至洛公卿以下候之者恒數十人
後因遁去初去之日惟見白雲騰起如是數十處 魏
志曰文帝生于沛縣譙國時有雲氣青色圓如車蓋當
其上終日望氣者以為至貴之證非人臣之氣 增蜀
志曰先主兒時戲於桑樹下上有雲覆如車蓋 晉書
曰咸和元年雲鬬聲如暴風雨 南北史曰宋武帝大

明八年宣太后陵前後俱有光及五色雲芳香四滿又
五彩雲在松上如車蓋 又曰宋高祖北征至洛陽常
有紫雲見于軍上 又曰孝康建元二年二月乙未日
有雲如錦文光色潤澤 又曰北魏世祖在江州起義
建牙軍有紫雲二段落于身上 原車頴泰書曰苻堅
立有黃雲五色迴繞臺觀時以為景雲 增新唐書曰
狄仁傑為并州法曹其親在河陽別業赴任于并登太
行望白雲孤飛曰吾親舍所居近此雲下悲泣佇立久

之 又曰肅宗自奉天而北夕次承壽有白雲起西北
長數丈如樓閣之狀識者以為天子之氣 又曰拾遺
崔希喬轉馮翊令有雲如蓋當其廳事前涇東五色錯
雜徧于州郭 唐貞元壬午有五色雲見長安太史張
璠曰在宋分後一百六十年有聖人興其地至天成丁
亥宋祖生洛陽 宋史曰祥符元年封太山十月壬辰
天文院言紫雲如蓋黃雲如龍鳳青雲如竹木名梢雲
韓琦家傳曰天聖五年仁宗初臨軒試進士琦名在

第二時唱名第一甲方終太史奏日下有五色雲見
齊東野語曰宣和中艮嶽初成令近山各造油絹囊以
水溼之曉張于危巒絕巘之間旣而雲盡入遂括囊以
獻名曰貢雲每車駕所臨則盡縱之須臾滃然充塞如
在千巖萬壑間

雲三

原堯璧

漢鼎

俱詳雲二

沛歌

汾辭

史記高祖過沛擊筑自為歌曰大風

起兮雲飛揚風辭曰秋風起

漢武帝秋兮白雲飛

赤鳥

丹蛇

左傳哀公二年有雲如衆

赤鳥夾日以飛三

從龍

翼鳳

上詳雲一 陸士衡雲賦翼靈鳳于蒼梧

起滯龍于橫汙

鵬翼

魚鱗

莊子大鵬搏扶搖而上九萬里翼若垂天之雲 下詳雲一

扶日

干呂

上詳雲一 下詳雲二

金枝

玉葉

俱詳雲二

觸石

潤礎

俱詳雲一

冠纓

車蓋

俱詳雲一

膚合

寸并

上詳雲一 袁

豹秋霖賦玄雲四集膚合寸并光幕六合菴藹杳冥

如繒

似布

易通卦驗立秋濁陰雲出

如赤繒處暑赤雲出南蒼北黃 下詳雲一

若煙

非霧

俱詳雲一

圍軫

干日

上詳雲二 下詳雲一

軍精

雨具

兵書雲如日月有赤氣繞地不可攻城內

有黑雲大如火星名曰軍精勿犯 張璠漢紀荀顗上書順帝曰自入正月久陰不雨雲者雨之具也

彌天 貫月

洪範五行傳雲者起于山彌于天京房易要占陣雲貫月韓魏以此雲為占

含水 得氣

楚國先賢傳天早有含水雲從西方起則楚香祝之歸藏雖有豐隆並得雲氣而

結核 翳日

襲霞

何晏詩浮雲翳白日微風起輕霞陸機雲賦內揚綠綬外襲紫霞

泉埃 山帶

俱詳雲一

羊奔 鸞舞

上詳雲一陸機賦

雄雉

奔牛

上詳雲一雲如奔牛

兵書城上不可往

綠翹

玉葉

並見陸機浮雲

賦 垂天

出岫

上詳莊子陶潛雲無心而出岫

書瑞

紀官

瑞有

必書 下 詳雲一

似虎

如羊

兵書猛將之雲氣似虎也詩惟度災云外規有雲內有

如羊而黃者京雲也

不興 可望

文選朝雲不興而潢潦獨臻堯望之如雲

巫

峽

陽臺

俱詳雲二

汎濫

窈窕

楚辭汎濫之浮雲又云涉青雲以汎濫遊兮忽

臨眺夫舊邦曹植飛龍篇晨遊太山雲霧窈窕

天地本

山川氣

河圖記雲者天

地之本也下詳雲一

覆四海

彌八方

上詳成公綏雲賦下詳劉楨詩

歸

故山

起高岳

應瑒詩朝雲流四海暮雲歸故山下見劉楨詩

火滅灰散

冰消瓦離

陸機雲賦日赫奕而照耀雲火滅而灰散下詳成公綏賦

增升屋

浮河

春秋孔演圖舜興黃雲升屋禮斗威儀周成王觀于河青雲浮河

畫灰擘

絮

上詳雲一蘇詩嶺上晴雲如擘絮

收籠

落檻蘇東坡曰余自城中還道中雲氣自

山中出如馬奔突以手掇開籠收其中歸家雲盈籠開而放之作樓雲篇宋章惇謫雷州過小貴州南山寺

與僧奉起倚檻看雲曰夏雲多奇峰真善比類起曰相
公曾見夏雲詩否詩曰如峰如火復如綿飛過微雲落

檻前大地生靈乾欲死不
成霖雨漫遮天蓋譏惇也

輪囷

砲車

上詳雲二
文選舟人占

雲若砲車起急避之乃大風候也東坡詩砲車雲起風
欲作張文潛詩喜逢山色開眉黛愁對江雲起砲車

如牛

隨馬

趙雲如牛詳雲一
唐玄宗天寶十三年封太山有慶雲隨馬

求李

生不

上漢高祖事
文帝事俱詳雲二

下魏

蔽月

隨風

郭震詩聚
散虛空去

復還野人間處倚筇看不知身外無根物蔽月遮
空作萬端于季子詩隨風亂鳥足泛水結魚鱗為

霖抱石

崔塗詩得路直為霖濟物不然間共鶴忘機
無端試向陽臺畔長送襄王暮雨歸余濟

詩幾時嗟抱石
今日喜從龍

玉馬

絳車

王介甫詩風力引雲行
玉馬水光連百動金蛇

合璧事類

下詳雲二

覆苑

倚峰

崔顥詩傍花初點綴覆苑更
崢嶸僧齊已詩倚峰觸石

濕苔錢便逐
高峰離瀑泉

覆鼎

成宮

俱詳雲二

待族

思山

上詳雲一

張孟陽詩流波戀

赤珠

紅石

俱詳雲一

絳衣

油

舊浦行雲思故山

絹

上詳雲一
下詳雲二

美人髮

王母車

上詳雲一
下詳雲二

求宓妃

望玉宸

離騷吾令豐隆乘雲兮求宓妃之所在
真訣立春日北望有紫綠白雲者為三素飛

雲三元君以是日上詣天帝當再拜陳乞得給侍輪轂
三過見元君之聲者白日升天故蘇東坡妃子閣門帖

云萬年枝上看春色

山頭望

嶺上多

上秋仁傑事
詳雲二

三素雲中望玉宸

陶弘景隱居華陽高祖問之曰山中何所有弘景賦詩
答曰山中何所有嶺上多白雲只可自怡悅不堪持贈

君 占聖人興

知王者起

上詳雲二 明太祖通紀曰明劉基字伯溫常遊西

湖有五色異雲起西北光映湖水諸同遊者皆以為慶雲將分韻賦詩基獨縱飲不顧大言曰此天子氣也應

在金陵十年後有王者起其下我當輔之

色紅似肺

氣白如綿

上詳雲一 謝

氏詩源更瀛之妻能作瑣雲囊佩之陟高山有雲處不必開囊而自然有雲氣入其中歸至家落視皆有雲氣如綿自囊而出

雲四

原不解

傳玄詩屯雲結不解

不形

傳咸神泉賦樛木無蔭纖雲不形

蒼

雲

易通卦驗大寒降雪蒼雲生

玄雲

楚辭廣開兮天門紛吾乘兮玄雲

赤如兔

京房

易傳赤雲如形如鳥京房易要占雲形大如席京房易傳

漢川有黑雲大如席不出五日必雨名曰海雲形如帚京房易要占雲形王

母輦巫女行俱詳雲二暗天文陸機雲賦蔽陽光於厠

藻氣又曰集輕浮之衆彩刷五雲之藻氣卿雲聚景雲見俱詳雲一飛

揚漢高祖歌決滌五色呈祥氤氲決滌保章氏周官觀雲氣雲中君漢志

祠雲中君辨豐凶卜水旱詳雲一四塞徵雨京房易傳青白赤黑

雲在東西南北名曰四塞之雲見即有雨彭薄為雨淮南子詳雲一聲如暴雷

詳雲圓如冠珥東方朔別傳武帝時雲氣青色而圓如冠珥結曜增暉陸機

御定淵鑑類函

雲賦繞蓬萊而結
曜薄崑崙而增暉

揚芒垂穎

又若秬色揚
芒嘉穀垂穎

山既出雲

山川天必降雨

雲行雨施

赤為兵驗

黃乃時豐

周禮

霏

霏承宇

楚辭

英英露茅

詩

淒淒祁祁

詩

紛紛郁郁

史記

李陵視

李陵贈蘇武詩仰視浮雲翔奄忽互相踰

靖節思

陶靖節詩序云停雲思親友也

邴生之鶴

邴原北海人遭漢亂隱于遼東徵召不仕時人謂之雲中白鶴

陸氏之龍

世說

陸雲嘗在張華席上自稱雲間陸士龍

德動天心

瑞開雲物

不崇

朝而徧天下

不待族而潤寰中

增朝隣

蒼蔚雲興貌

朔雲

朔方雲也

慶霄

慶雲

愁雲

陰雲也漸海愁雲生

陽雲

即陽臺朝雲也

重陰

雲雨謂之重也反亢陽於重陰

天衣

翠鳥

雕雲

慶雲

雲

峰

夏雲似峰

漢陌

雲路

遊絲

雲中遊蕩之絲

火雲

旱雲

素練

江雲

飄素練

雲葉

即片雲也

南雲

心逐南雲逝

雲濤

雲族如濤也

瑞

霽

卿雲也五色為瑞三色為霽

龍氣

韓愈曰龍弗得雲無以成其靈龍噓氣成雲龍

瑪

瑤葉

雲間瑪瑤葉

青雲城

韻府玉皇居青雲為城

姣姬揚袂

雲賦其少

進也 晰兮若姣姬之揚袂
郭日而望所思注云晰白也

黹黹重雲

黹黹黑貌

喬雲

翔龍

喬雲赤色雲飛龍所出也

層樓高觀

重樓疊閣

詳陸機賦

邠

公雲體

韋陟自謂所書陟字若五朵雲號邠公五雲體

雲大如箕

吳越倫史大順二年

六月朔師與宣州兵敗孫儒于宣城初行密軍師張顥
善占算前一日謂行密曰明日當水亭午可獲孫儒及

詰旦北有大雲如箕漸次瀰漫俄而澍雨大水

變化

暴至乃逕出兵以擊儒營他營皆不救因獲儒

文選既變舒卷成公綏賦舒則彌綸覆
化以無窮四海卷則消液入無形

朝飛

滕王閣詩畫棟

朝飛南浦雲

暮合

文選日暮碧雲
合佳人殊未來

沮洳

杜詩嶺雲春沮洳江月夜晴明續

紛

慘澹天同色
續紛紛雪共寒

去來絕迹

隱顯兩忘

司馬光詩

雲五

詩原魏文帝浮雲詩曰西北有浮雲亭亭如車蓋惜哉
時不遇忽與飄風會吹我東南行行行至吳會 魏劉

楨詩曰玄雲起高岳終朝彌八方 晉傳玄詩曰白雲

翩翩翔天庭流景髣髴非君形白雲飄飄捨我高翔青

雲徘徊為我愁腸 梁簡文帝詠雲詩曰浮雲舒五色

瑪瑙映霜天玉葉散秋影金風飄紫煙 梁沈約和王

中書白雲詩曰白雲自帝鄉氛氲屢迴沒蔽虧崑山樹

含吐瑤臺月秋風西北起飄我過城闕城闕已參差白

雲復離離皎潔在天漢倒影入華池將過丹丘野時至

碧林垂九重迎飛鷺萬里送翔螭 梁吳均詠雲詩曰

飄飄上碧虛藹藹隱青林氛氲如有意縈鬱詎無心

又詠雲詩曰白雲蒼梧來過拂章華臺逢河散復卷經
風合且開 陳張正見賦得題新雲詩曰西北春雲起
遙臨偃蓋松根危纔吐葉氣淺未成峰風前飛未斷日
處影疑重體輕無五色詎是得從龍 又賦得白雲臨
酒詩曰白雲蓋濡水流彩入澠川疎葉臨嵇竹輕鱗入
鄭船菊泛金枝下峰斷玉山前一朝開五色飄飄映十
千 陳蔡凝賦得處處春雲生詩曰春色遍空明春雲

處處生入風衣暫斂隨車蓋轉輕作葉還依樹為樓欲
近城含愁上對影似有別離情 隋孔範賦得白雲抱

幽石詩曰白雲浮遠蓋飄飄繞石飛帶蓮紫錦色拂鏡
下僊衣陣結香爐隱羅成玉女微能感荆王夢陽臺雜
雨歸 唐太宗賦含峰雲詩曰翠樓含曉霧蓮峰帶晚
雲玉葉依巖聚金枝觸石分橫天結陣影逐吹起羅文
非復陽臺下空將惑楚君 于季子詠雲詩曰瑞雲千
里映祥暉四望新隨風亂鳥足汎水結魚鱗布葉疑臨

夏開花詎待春願得承嘉景無令掩桂輪 董思恭詠

雲詩曰帝鄉白雲起飛蓋上天衢帶月綺羅映從風枝

葉敷參差過層閣倏忽下蒼梧因風望旣遠安得久踟

躕 增李嶠詠雲詩曰英英大梁國郁郁秘書臺碧落

從龍起青山觸石來官名光邃古蓋影耿輕埃飛感高

歌發威加四海迴 又曰大梁白雲起氤氲殊未歇錦

文觸石來蓋影凌天發綢繆萬年樹掩映三秋月會入

大風歌從龍赴員闕 駱賓王賦白雲抱幽石詩曰重

巖抱危石幽澗曳輕雲繞鎮仙衣動飄蓬羽蓋分錦色
連花靜苔光帶葉薰詎知吳會影長抱穀城文 又詠

秋雲詩曰南陸銅渾改西郊玉葉輕泛斗瑤光動臨陽
瑞色明蓋陰連鳳闕陣影翼龍城誰知時不遇空傷留
滯情 杜甫詠雲詩曰龍以瞿唐會江依白帝深終年
常起峽每夜必通林收穫辭霜渚分明在夕岑高齋非
一處秀氣豁煩襟 錢起賦得歸雲送友人歸華山詩

曰秀色橫千里歸雲積幾重欲依毛女岫初卷少姨峰

蓋影隨征馬衣香拂卧龍祇應函谷上真氣日溶溶

李紳慶雲見詩曰禮成中岳陳金冊祥報卿雲冠玉峰
輕未透林疑待鳳細非行雨詎從龍卷風變彩霏微薄
照日籠光隱映重還入九霄成沆瀣夕嵐生處鶴歸松
又山出雲詩曰杳靄祥雲起飄颻翠嶺新紫峰開石
秀吐葉間松春林靜翻空少山明度嶺頻迴崖時掩鶴
幽澗或隨人姑射朝凝雪陽臺晚伴神悠悠九霄上應
坐玉京賓 韓琮詠雲詩曰深惹離情靄落暉如車如

蓋早依依山頭觸石應常在天際從龍自不歸莫向隙
窓籠夜月好來仙洞濕行衣春風澹蕩無心後見說襄
王夢亦稀 呂溫賦得白雲起封中詩曰封開白雲起
漢帝坐齋宮望在泥金上疑生秘玉中攢柯初繚繞布
葉漸朦朧日觀祥光合天門瑞氣通無心以出岫有勢
欲凌風倘遣成膏澤從茲遍太空 李季何立春日曉
望三素雲詩曰靄靄青春曙飛僊駕五雲浮輪初縹緲
承蓋下氤氲薄影隨風度殊容向日分羽毛紛共遠環

珮杳猶聞靜合煙霞色遙將鸞鶴羣年年瞻此御應許

從元君 鄧倚春雲詩曰搖曳自西東依林又逐風勢

移清道裏影汎綠波中夕霽方明日朝陰復蔽空度闕

隨去馬出塞引歸鴻色任寒暄變光將遠近同為霖如

見用還得助成功 裴澄春雲詩曰漠漠復溶溶乘春

任所從映林初展葉觸石未成峰旭日消寒翠晴煙點

淨容霏微將似滅深淺又如重薄彩臨溪散輕陰帶雨

濃空餘負樵者嶺上自相逢 曹松夏雲詩曰勢能成

嶽仞頃刻長崔嵬
暝鳥飛不到野風吹得開
一天分萬態立地看忘回
欲結暑宵雨先開江上雷
張復山出

雲詩曰山靜雲初吐
霏微觸石新無心離碧岫有意占
青春散類如虹氣輕同不讓塵
凌空還似翼映澗欲成
鱗異起臨汾鼎凝隨出峽神為
霖終濟旱非獨降賢人
陳希烈賦得雲生梁棟間詩曰
一片蒼梧意氤氲生
棟梁下簾山足暗開戶日添光
偏使衣裘潤能令枕簟
涼無心伴行雨何必夢荆王
釋皎然詠溪雲詩曰舒

卷意何窮縈流復帶空有形不累物無跡去從風莫怪
長相逐飄然與我同 宋王安石詠雲詩曰雲從東山
起却入鍾山去借問山中人雲今在何處 元馬祖常
春雲詩曰高雲起城闕流離度庭樹依風拂迴塘波縵
光影注荒林帶疎煙照日亂縈縷婉孌連浮陽空明映
淒霧嵐翠含玉暉景采滿巖嶼逍遙幽賞諧緬邈世娛
阻

賦原楚荀况雲賦曰有物於此居則周靜致下動則基

高以鉅圓者中規方者中矩大齊天地德厚堯禹精微
於毫毛充盈於天宇冬日作寒夏日作暑 晉陸機浮
雲賦曰有輕虛之艷象無實體之真形原厥本初浮沉
混并六律籥應八風時邁玄陰觸石甘澤霽霈勢不崇
朝覆被無外若層臺高觀重樓疊閣或如鐘首之鬱律
乍似塞門之寥廓金柯分玉葉散綠翹明巖英煥鸞翔
鳳翥鴻驚鶴奮鯨鯢汴波蛟鰐衝遁朱絲亂紀羅桂失
領飛仙凌虛隨風遊騁有若芙蓉羣披薜華總會車渠

繞理瑪瑙縟文 又白雲賦曰攄神景於八幽合洪化

乎網緼充宇宙以播象協元氣而齊勲發憤靈石擢性
洪流興曜曾泉升跡融丘盈八紘以餘憤雖彌天其未
泄豈假期於遷晷邁崇朝而倏忽紅蕊發而菡萏金翹
援而含葩神收鬼化弼性違序鳥殊類而比棲獸異跡
而同處蛟引翳而並潛龍攀鴻而雙舉鸞舞角以軒罷
驚企翮而延佇長城曲婉采閣相扶聳瑤臺之巖薛構
瓊闥之離婁雄虹矯而垂天翠鳥軒而扶日 晉成公

綏雲賦曰於是元氣仰散歸雲四旋冰消瓦離奕奕翩
翩去則滅軌以無迹來則幽闇以杳冥舒則彌綸覆四
海卷則消液入無形或狎獵鱗次參差交錯上捷業以
倚梁下壘嵬而相薄狀歲鬼其不安吁可畏而欲落或
粲爛綺藻若畫若規繁縟成文一續一離或繡文錦章
依微要妙綿邈凌虛輕翔浮漂 晉楊乂雲賦曰天地
定位淳和肇分剛柔初降陰陽絪縕於是山澤通氣華
岱興雲則縹緲翩綿鬱若升烟蹇粲縈以詰屈兮若虬

龍之蟠蜿疑岐岐以岳立兮狀有似乎列仙東西絡繹
南北油裔隨風徘徊流行菴藹豁兮仰披杳兮四會凝
寒冰於朱夏飛素雪於玄冥灑膏液於天漢騰鴻泉於
泰清乾坤以之交泰品物以之流形江湖以之深滿川
谷以之豐盈毛羽以之光澤草木以之葩榮萌芽以之
挺殖苗秀以之積成始於觸石而出膚寸而征終於霑
濡六合浸潤羣生蕩滌陳穢含吐嘉祥施暢凱風惠加
春陽擬神化於后土與三曜兮齊光 增唐彭朝曦勤

政樓視朔觀雲物賦曰寓縣升平朝廷無事闕珠樓於
曉日垂紫旒於空翠至誠必應果呈證聖之祥至感必
通遂有效明之瑞乍異色而抱日或神光而覆地是知
昊穹成命必在於昌期玄象著明詎違於躔次萬國來
朝十月之交時當盈數氣發陰爻晴色俯臨遠接黑龍
之水清輝四散仍縈彩鳳之巢元稹郊天日五色祥
雲賦曰臣奉某日詔書曰惟元祀月正之三日將有事
於南郊直端門而云出天錫余以雲瑞是何祥而何吉

臣稹稽首敢言其實陛下乘五位而出震迎五帝以郊
天五方騰其瑞氣故雲五色以相宣排空乍直捧日初
圓獸蹲而龍鱗熠熠鳥跂而鳳翼翩翩羽蓋凝而軒皇
暫駐風馬駕而王母欲前影帶其彩凝錯繡之遙屬光
照乎物比擣錦之相連觀之者無小無大觀之曰非煙
若煙昔者卿雲作歌於虞舜白雲著詞於漢武皆跂望
而為言非仰觀而遂覩今陛下德至天地恩覃草莽當
翠輦黃屋之方行見金枝玉葉之可數陋泰山之觸石

方出鄙高唐之舉袂如舞昭示於公侯卿士莫不稱萬
歲者三並美於鱗鳳龜龍可以與四靈而五於是載筆
氏書百辟之詞曰郁郁紛紛維慶霄之雲古之堯舜幸
得以為君象胥氏譯四彝之歌曰煒煒煌煌天宇之祥
唐有神聖莫敢不來王帝用愀然曰予何力澤未周於
四海雲何為乎五色來以羣后舉爾衆職由五行以修
五事遵五常而厚五德正五刑以去五虐繁五稼而除
五賊苟順夫人理之父子君臣則安知雲物之赤黃蒼

黑進我輦輅就我釣陶雖有光華之萬狀不若豐穰於
四郊凡百庶僚相趨而顧稍疑江上之奇果異封中之
素補天者雖欲抑之而不出簪筆者安可寢之而無賦
越明日臣稹詠霈澤於雞竿之前覩斯雲散之為五彩
之湛露 崔立之南至郊壇有司書雲物賦曰宇宙氛
氲晴郊景曛宗伯司禮保章辨雲榮光燭於九野佳氣
覆於六軍飄飄颺颺郁郁紛紛足以昭上帝瑞吾君時
謂唐時歌卿雲之五色德稱虞德詠南風之再薰是以

惟聖惟壽可大可久既豐稔之足徵復災癘之何有既而旋天步迴象興大孝是展皇情未攄將欲超羲軒於上古方淳樸於太初俾時和俗阜塗謠史書土階攸則而瓊室靡居且慮乎賢哲尚屈所以敦於雲物緬乎德化未覃所以交於國南祈動植之攸濟非娛樂而是甘郭遵南至郊祭司天奏雲物賦曰當此和煦靜無纖氛照耀兮天垂愛景霏微乎山出祥雲度青霄而匪徐匪疾向丹闕而乍合乍分應乎一陽之始煥乎五彩之

文氤氲搖曳去來無際望之雖曰崇朝慶之知其嗣歲
誰謂其有葉本乎觸石而來誰謂其無心偏舒捧日之
勢豈非夫表王者之殊祉答泰壇之親祭 王譔南至
雲物賦曰於赫至化時惟大君推歷比夫軒后授人齊
乎放勳北風戒節南至司分驗律飛灰遙應乎懸炭登
臺視祲必在乎書雲麗乎時方別色天斂殘氛星連珠
而候曉日合璧而成文衆瑞咸集禎祥洊至雲散黃光
天浮喜氣金柯郁郁而蔽野玉葉飄飄而委地迴紀天

表永無兵意災沴靡作罷札瘥之虞水旱不行詠京城
之事得此先甲還同漢日之觀報以豐年不假春秋之
備 喬潭秋晴曲江望太乙納歸雲賦曰秦稱百二鎮
為太一合沓橫空嶽岑蔽日豈瓌寶之攸產蓋雷雲之
自出宜其密爾王甸雄茲帝京敗葉風輕高秋氣清時
雨夕歇歸雲晚晴俯枕曲水前臨直城山半隱而半見
雲乍低而乍傾其趣可賞而不極其容可狀而難名爾
其沉陰始解靄霽初歸迴日猶重因風則飛其始也哉

峩巍巍千巖萬嶺稠疊而相依其漸也紛紛霏霏齊童
趙女並舞而垂衣忽天澄而地廓鬱氤氲於翠微別有
容與之勢輕盈之狀日下空籠天邊引颺始悠悠於綠
野漸羃羃於青嶂洛川神女何以踰巫峽佳人不能上
雖更僕而非久仍移景而堪望落日將曛山銜斷雲綠
氣陰鬱嵐光氤氲橫截高巖驚數峰之頓失却臨幽石
與殘雪而俱分乃為歌曰節彼南山兮人所矚施此雲
雨兮濟君欲信軌物之無憾奚百姓之不足徘徊不去

乃賦歸雲之曲曰歸雲之狀兮不一歸雲之趣兮難儔
雲不以朝晡而異賞士不以前後而異求誠在位之如
是知夫鴻漸之高秋張何早秋望海上五色雲賦曰

昇重軒以徙倚目平海而踟躕見五雲之間出繞三山
而忽諸映烏精之矐朗涵蜃氣之紆餘光泛泛而逾淨
影離離而不疎懿夫騰碧海瑞皇家金柯玉葉兼雜花
文璀璨光紛華况夫羅幃錦帳繞香車雙虹宛轉紫翠
霞及夫倏而聚忽而散霓裳羽旆相凌亂倚長空浮迴

岸宛若瓊樓金闕橫天半美人濯錦春江畔既而叢彩
可望奇狀難名羣象糾紛疑綺羅之繡出五色明媚若
丹青之畫成影沉波而海晏氣冪岫而山晴啗礪嶺之
光淺恥汾川之色輕壯瑞圖之舊籙應樂府之新聲似
帝鄉之迢遰冀有司而見行 又五色雲賦撰入名闕曰於

穆聖唐建其皇極通三微而昊穹降祉禔萬福兮陰陽
不測答禧祥於一人見彩雲之五色其為狀也乃從龍
以分氣其為勢也若搏鵬之垂翼蒼蔚非觸石而興縹

縹盈畫工之飾蔥翠炯晃蕭索氤氲迴合斐亶散聚分
文轉光風則動而愈出衝霽日則燦然皆分古之函關
紫氣帝鄉白雲豈比澄鮮流慶作瑞吾君夫德施者帝
王之所崇雲行者天地之所溥惟帝德之動天諒卿雲
之飛吐光浮碧落奪虹彩於太虛影下清潭照錦色於
曲浦將以發揮明時騰邁前古 韋執中白雲無心賦
曰英英白雲合漠為質義則難究覽之不一觀其發雖
有類於知機稽其理乃無心而自出蓋玄造之潛運而

神功之陰騭時止時行或徐或疾結自元氣生乎羣山
將離兮孰制而合既往兮孰召而還非欲恢弘自覆乎
大荒之際焉知酌損不踰於膚寸之間徒見其紆餘上
漢繚繞飛天形不常而屢易居靡定而頻遷謂變通之
不倦將有志於必然斯乃生有於無假虛為實勢乍分
於逐火色暫渝於帶日油油裔裔雖在空而可觀杳杳
冥冥考攸往而無必觸石蒼野揚埃白泉不恒厥所有
開必先搖颺紫空滅煙光於遠嶠輪囷委地雜波景於

遙川氤氲氤氲或聚或分其散也氣其興也雲忽羨溢
以洪舒若練之曳乍縈紆而交錯如絲之棼所謂化於
無象著於無為匪知咎於進退惟契道而推移夕隨重
陰則黯以霏霽晝混陽景則煥然赫曦歛上騰而蓊蓊
俄疊影以參差既有遇而必變則無心兮可知 又賦
撰人曰觸石起於膚寸散遠天以逶迤既輪囷而合道
名闕

澹搖曳以無為綴廣莫以霜淨凝太虛以纓垂出處靡
恒同至人之無著卷舒罔究類君子之不羈翹玉葉以

繚繞耀金柯而陸離其兆無質其形罕一匪潤礎以上
昇或從龍以迴出入房呈貺偶作瑞於殷王登封効祥
諒無情於漢室影遙連於漢水光俯接於平川幾徘徊
以暫散倏迺遷而相連分至必書驗其文而有則荊棘
不別表茲性之無偏勢出塞以繽紛色瑩空以氤氲被
漫漫之精氣成英英之白雲抱翠石以流彩入清池而
寫文或假勢於重嶺或隔闕於孤山挺竒峰於天末亘
橫陣於巖間順細雨以低舉隨輕風而往還哂魚鱗之

覆地輕鵬翼以垂天誠莫察其所感亦安知其所然

姜公輔白雲照春海賦曰白雲溶溶搖曳乎春海之中
紛紜層漢皎潔長空細影參差匝微明於日域輕文燐
亂分炯晃於仙宮始而乾門闢陽光積乃縹緲以從龍
遂輕盈而拂石出窮巖以高翥跨橫海而遠撫故海映
雲而自春雲照海而生白或杲杲以積素或沉沉以凝
碧圓虛乍啓均瑞色而周流蜃氣初收與清光而激射
雲信無心而舒卷海寧有志於潮汐彼則澄源紀地此

乃泛跡流天影觸浪以時動形隨風而屢遷入洪波而
並曜對綠水而相鮮時惟孤嶼冰朗長汀雲淨辨宮闕
於三山總妍華於一鏡臨瓊樹而昭晰覆瑤臺而縈映
鳥頡頏以追飛魚從容以涵泳莫不各得其適咸悅乎
性登夫爽塏望茲雲海雲則連錦霞以離披海則蓄玫
瑰之翠彩 高孚白雲起封中賦曰德以靜人威以平
難廓清諸夏光啓大漢俗旣和兮考時巡禮旣備兮登
日觀惟天輔聖無雨則其明徵惟岳通玄出雲所以幽

贊乘元氣而出冠靈壇而浮不漠漠以四散直亭亭於
上頭祥光內朗瑞色旁流旣表慶於茲日復增華於介
丘 張隨雲從龍賦曰山川之氣曰雲寂爾虛無倏爾
韜映雖無心而旣出終有感而協慶鱗蟲之長曰龍道
符於神德合於聖時變化於無極在陰陽而應令是知
雲為佐龍為主龍無雲不可以陟煙霄雲無龍不可以
降時雨始靄靄於山澤俄駢駢於天宇有若魚水相湏
君臣夾輔而已原夫或躍在泉道契玄默未始出岫時

有通塞及夫順天地之功贊生成之德吟空山而奮揚
其狀觸幽石而翦勑其色然後蹈乎寥廓自彼南北何
往而不濟何施而不得潤萬物宣待崇朝控千里纔踰
瞬息 劉元淑夏雲賦曰崇山作鎮峩峩秀絕暑氣潛
蒸夏雲孤洩其稍進也間古木以深沉其上升也鏤太
陽而明滅其質散漫其光氤氲抱翠石而留影入明水
以寫文粲粲爛爛摩太虛而歷漢郁郁紛紛從皓景而
橫汾美其任運高下與時消息似大道之無心同達人

之有識時康則應伴雨足於一旬主聖乃浮變歌聲於
五色俄頃萬里不資天地之功膚寸九霄豈假陰陽之
力爾乃含精飄揚逐吹低舉周遊散適不常其所出塞
遷迤暮為陰山之陣入夢嬋娟朝是陽臺之女別有孤
陋沉淪文章日新既作凌雲之賦未為天子之臣明
屠隆五色雲賦曰五月既望遵湖而西驅車高原飲馬
空陂娟娟者湖秀絕而孤縣亘千里映帶城隅沙長水
明沉鷗浴鳧青浦照人綠野平鋪乃稅駕於湖濬弔昔

賢之遺跡余欽斯人兮高曠俯大湖而歎息歎息自天
俛仰今古何彼卿雲爛焉以亘迴合朗映皦日微吐蔽
天者半厥色維五厥狀瑰麗玄黃雜組或如玄圭或如
白珂或如靈芝或如玉禾或如絳綃或如紫紵或如文
杏之葉或如含桃之顆或如秋原之草或如春湘之波
澹脩眉之連蜷呈冶態而婀娜又如萬花競開百鳥齊
飛竒姿窈窕秀色離披威鳳之彩葢蕤錦雞之翼差池
屑屑霏霏纚纚襍襍紛乎若纈蠹乎若髦又如仙人製

錦借色雲君濯彼天河五彩成文丹霞失麗明星載昏
長天紺碧遙光深靚羣山並朗回浦獨映芙蓉相鮮下
爍紫葍大物矜炫變幻靡窮乍散乍合若淡若濃廓乎
若啓窅兮若濛嗟此璀璨雕彼太素神乎巧哉天孫所
妒何文章之綺靡恐大帝之是怒疇驅真宰泄秘抽玄
東壁獻圖丹甲命篇挾河漢以布彩走五星於毫端振
藻耀日鴻思寫天籙妖紅而直上捫列缺而倒懸洵天
章之巨麗何人工之能為相如么麼子雲無竒錦心莫

吐彩筆藏輝雕龍刻鳳之技黼黻藻火之形莫不銷其
文彩遁其精靈金闕洞開高敞玉樓丹青錯落棟宇雕
鏤閣道玲瓏列仙出遊引以琨輿夾以華輶霞裾成削
環珮相糾紛朱幢與紫蓋嵌七寶而雜琳球朗焉翕艷
六合晶瑩繪山川絢日星掩關門之紫氣奪霞標於赤
城有爛其光灼灼其英王母之所不能謠羣臣之所不
能賡是誠乾坤之上瑞兆國家之文明若焉神爽恍矣
骨驚余安得躡層雲而上馳下覩大地之與蓬瀛聊申

意於斯文悵獨立而屏營

贊原魏曹植吹雲贊曰天地變化是生神物吹雲吐潤
浮氣翳鬱 宋孝武帝景陽樓慶雲贊曰非煙非雲曳
紫流光懸華曜藻奄鬱臺堂粵予休明震乎珍祥積慶
有文靈貺無彊

御定淵鑑類函卷五

謹案第十八頁前一行暮為行雨刊本暮訛夢據
襄陽耆舊傳改

第三十六頁前七行雲乍低而乍傾刊本傾訛輕
據賦彙改

總校官庶吉士臣張能照

校對官庶吉士臣陳墉

謄錄監生臣吳魯

欽定四庫全書叢要

子部

御定淵鑑類函卷

六

詳校官兵部主事

臣雷純

臣紀昀詳校

欽定四庫全書薈要卷一萬一千四百五十四

子部

御定淵鑑類函卷六

天部六

風

風一

增

曰風從虎 又曰巽為風 又曰撓萬物者莫疾

乎風 又曰風行天上小畜君子以懿文德 又曰風

以動之 又曰風行地上觀 原尚書曰休徵曰聖時

風若

若順也君能通理則時風順之也

增又曰納于大麓烈風雷雨

弗迷 毛詩曰終風且曠 原又曰習習谷風以陰以

雨 又曰凱風自南吹彼棘心 南風謂之凱風 又曰冬日烈

烈飄風發發 禮記曰立春之日東風解凍 增又曰

饗帝于郊而風雨節寒暑時 周禮注曰十二辰皆有

風 原左傳曰六鵠退飛過宋都風也 增又曰藏冰

以時春無淒風 原爾雅曰南風謂之凱風 詩曰凱風自南 東

風謂之谷風 詩云習習谷風 北風謂之涼風 詩云北風其涼 西風謂之

泰風 詩曰泰風有隧 焚輪謂之頽 暴風從上下 扶搖謂之猋 暴風從下上

風與火為庀迴風為飄日出而風為暴

詩云終風且暴

風而雨

土為靈

詩曰終風且靈

陰而風為暄

詩曰終風且暄

易緯曰八節之

風謂之八風立春條風至

東北方

春分明庶風至

東方

立夏

清明風至

東南方

夏至景風至

南方

立秋涼風至

西南方

秋分

閭闔風至

西方

立冬不周風至

西北方

冬至廣莫風至

北方又

呂氏春秋說八風東北方曰炎風東南方曰熏風東方曰滔風南方曰巨風西南方曰淒風西方曰飈風西北

方曰厲風北方曰寒風

增易通卦驗立春條風至赦小罪出稽

留春分明庶風至正封疆修田疇立夏清明風至出幣

帛禮諸侯夏至景風至辨大將封有功立秋涼風至報
土功禮四鄉秋分閭闔風至解懸垂琴瑟不張立冬不
周風至修宮室完邊城冬至廣莫風至誅有罪斷大刑
八風以時至則陰陽變化道成萬物得以育生王者當
順八風行八政當八卦也 易稽覽圖曰太平時陰陽
和風雨咸同海內不徧地有險易故風有遲疾雖太平
之政猶有不能均同也惟平均乃不鳴條 又曰異氣
不至則大風揚沙 尚書大傳曰王者德及皇天則祥

風起 大戴禮曰正月時有俊風俊者大也大風南風也何大于南風也曰合冰必于北風解冰必于南風故大之也 原禮稽命徵曰出號令合民心則祥風至

增禮說曰風萌也養萬物成功所以八風象八卦也

禮斗威儀曰人君政頌平則祥風至宋均注曰即景風也 原孝經援神契曰德至八方則祥風至 增又曰至治之世風不鳴條 春秋考異郵曰八風殺生以節翱翔距冬至四十五日條風至條者達生也距猶起也

自冬至四十五日而立春此風應其方而來生萬物也
四十五日明庶風至明庶迎惠言春分之後陽以施惠
之恩德迎衆物而生之也四十五日清明風至精芒挫
收言立夏之後齊麥之屬秀出已備故挫止其鋒芒收
之使成實也四十五日景風至景風強也強以成之夏
至之候也強言萬物強盛也四十五日涼風至涼風者
寒以閉也立秋之後也閉收也言陰寒收成萬物也四
十五日閭闔風至閭闔者當寒天收也秋分之候閭闔

盛也言時盛收物蓋藏之也四十五日不周風至不周者不交也陰陽未合化也立冬之後也未合化言消息純坤無陽也月令曰天地不通而閉塞成冬也四十五日廣莫風至廣莫者精大滿也冬至之候言物無見者風精大滿美物也又曰風之為言萌也其立字蟲動于几中者為風蟲動于几言陽氣無不周也明昆蟲之屬得陽乃生遇陰則死故風為陰中之陽者也春秋元命苞曰陰陽怒則為風廣雅曰大風曰昌原又

曰猛風曰颶

列

涼風曰瀏

劉

微風曰飈

遼小風曰颶

搜小風從孔來曰颶

或穴反

增埤雅曰天地之氣噓而成

雲噓而成風

原月令曰疾風曰盲風

說文曰疾風也

增

國語曰火見而清風戒寒

漢書曰有風如焱

燄風散

鬃鬃

音順亂髮

又曰祭風曰磔

今俗當大道中磔狗以止風此其象也

唐

書曰冬風裂肌夏風如焚

原老子曰飄風不終朝

莊子曰大塊噓氣其名曰風

噓依界反言天地噓氣則萬竅怒號而為風

增又曰汝聞天籟未聞地籟

風吹萬物有聲故曰籟

又曰吹萬

不同 又曰風一西一東孰噓吸是孰披拂是 又曰

冷風則小和飄風則大和厲風濟則衆竅為虛

濟止也風止則

竅無聲

又曰予蓬蓬然起于南海而入于北海折大木

蜚大屋者惟我能也 管子曰吾不能以春風風人

又曰木雖蠹無疾風不折 原楚辭注曰春晴日出而

風曰光風

天霽日明微風動搖草木皆令有光

秋冬餘曰緒風

緒餘也謝靈運詩云

初景草緒風

淮南子曰天之偏氣怒者為風 又曰虎嘯

則谷風至

又曰騰蛇雄鳴上風雌鳴下風而化成形

又曰人主之精通於天故誅暴則多飄風 周生列

子曰夫蕩葉之風不應八節 呂氏春秋曰風師曰飛

廉 論衡曰儒者論太平瑞應皆言五日一風風不鳴

條 管公明傳曰公明言樹上已有少女微風其雨應

至矣 詳雨 風俗通曰飛廉風伯也箕星風師也 又曰

風或清明來久長不搖樹本枝葉離地二三丈者此有

龍德在其下風或清明不及地二三尺者此君子之風

增又曰五月有落梅風江淮以信為風 董仲舒曰

太平之世風不搖條開甲破萌而已 原風土記曰六月則有東南長風俗名黃雀長風時海魚變為黃雀因為名也 荊州星占曰箕星一名卷舌動則大風至

十洲記曰炎州在南海中上有風生獸似豹青色狀如狸以鐵椎鍛其頭數十下乃死張其口向風須臾而起 劉欣期交州記曰風母出九德縣似猿見人若慙屈頸打殺得風還活 述征記曰長安宮南有靈臺有相風銅鳥或云此鳥遇千里風乃動 增黃帝風經曰調

暢祥和天之喜氣也折傷奔厲天之怒氣也 山海經

曰瀟岳之山有獸曰山獬音渾其行如風見則天下大風

水經注曰屈縣有風山上有穴如輪風氣蕭瑟不止

當其衝所略無生草蓋衆風之門也 服虔曰乾音石

其風不周坎音革其風廣莫艮音匏其風條震音竹其

風明庶巽音木其風清明離音絲其風景坤音土其風

涼兌音金其風閭闔 王子年拾遺記曰瀛洲時有香

風泠然而起張袖受之則歷紀不歇 南越志曰嶺嶠

夏風發自午至夜乃止仆屋僵樹累年一發或歲再三
番禺雜記曰颶風將發有微細雨先緩後急謂之鍊
風 三水小牘曰汝南臨汝縣有小山曰崆峒其巔洞
穴如盜將有大風雨則白犬自穴出田夫以為候亦名
曰玉燭峰 又曰白崖山之右有巨穴如井不知淺深
穴口四圍津津如汗間有氣出騰空為白雲須臾風起
怒號如雷里人見雲即知風起散則風定細則風小盛
則風猛窒其穴風雖小而民多瘴開則風如故而瘴亦

衰 武陵記曰風門山有石門去地百餘丈將欲風起

此門隱隱有黑氣上須臾有黑風競起在朗州 兵書

曰五兩候風法以雞羽重五兩建五丈旗取羽繫其巔

立軍營中 又曰風從震來名嬰兒風 乙巳占曰發

木折屋曰怒風揚沙轉石曰狂風四轉五復曰亂風卒

起卒歇曰暴風獨鹿蓬勃曰勃風扶搖羊角曰颶風清

涼溫和塵埃不動曰和風 括地圖曰鍾山之神名曰

燭龍視為晝眠為夜吹為冬吁為夏息為風 山海經

曰符陽之山多怪風 子華書曰風涵太元之中精故

能動化百物而行乎天上風陰也而其發為陽 朝鮮

志曰朝鮮慶尚道清道郡南二里有鰲山東有一谷名

曰高沙天將風雨先期而鳴噴出雲氣雲入洞內則雨

雲出洞外則風大鳴則即日有驗小鳴則二三日乃驗

郎顗曰風者號令天之威怒 蔡伯喈上封事曰風

者天之號令所以教人也 張奐疏曰風為號令動物

通氣 物理論曰風者陰陽亂氣激發而起者也猶人

之內氣因喜怒哀樂激越而發也故春氣溫其風溫以和喜風也夏氣盛其風慄以怒怒風也秋氣勁其風清以真清風也冬氣實其風慘以烈固風也此四正之風也又有四維之風東南融風其道以長也西南清明百物備成也西北不周方潛藏也東北明庶庶物出幽入明也此八風者方土異氣徐疾不同和平則順違逆則凶非有使之者也氣積自然怒則飛沙揚礫發屋拔樹喜則不搖枝動草順物布氣天性自然之體也 瑣碎

錄曰魚逆水而上鳥向風而立取其鱗羽之順也有微風不知所從來但觀鳥之所向 圖經曰海道之險曰癡風曰黑風癡風之作連日怒號不已四方莫辨黑風則天色晦冥不分晝夜 原楚辭曰嫋嫋兮秋風洞庭波兮木葉下 增又曰欸秋冬之緒風注云緒餘也謝靈運詩云初景革緒風新陽改故陰顏延年詩云倚巖聽緒風

風二

增史記曰女媧沒大庭氏王天下五風異色又曰蚩

尤氏能徵風召雨與帝爭帝滅之帝王世紀曰黃帝

夢大風吹天下之塵垢皆去寤而歎曰風為號令執政者也垢去后土在也天下豈有姓風名后者哉於是依占而求之得風后于海隅登以為相原尚書大傳曰

舜將禪禹八風脩通括地圖曰奇肱氏能為飛車從

風遠行湯時西風吹奇肱車至于豫州湯破其車不以示民十年西風至乃復使作車遣歸去玉門四萬里

尚書曰周公居東二年天大風禾盡偃大木斯拔王啓金縢之書迎周公天乃返風禾盡起 尚書大傳曰成

王時越裳重譯而來朝曰久矣天之無烈風迅雨意中國有聖人乎 國語曰海鳥曰爰居止於魯東門之外

三日臧文仲使人祭之展禽曰今茲海其有災乎夫廣川鳥獸恒知避災是歲也海多大風 增史記曰庶女者齊之寡婦養姑孝姑女利母財殺母以誣寡婦婦不能自解呼天而號大風襲於齊殿 原莊子曰列子御

風而行泠然善也旬有五日而後反

司馬彪注曰列子鄭人列禦寇也御

迎也泠泠然涼貌也

增列子曰列子師老商氏友伯高子進二

子之道乘風而歸

通志曰鄭弘常采薪白鶴山得遺

箭頃有人來覓弘還之問所欲弘知其神人也弘曰患

若耶溪載薪為難願旦南風暮北風後果然今若耶溪

風人呼為鄭公風

又曰孝武坐未央前殿天新雨東

方朔屈指獨語上問之對曰殿後柏枝有鵲立東向鳴

視之果然上問何以知之朔曰風從東來鵲尾長嘗順

風而立是以知也 東方朔別傳曰漢武帝天漢三年
月氏國獻神香使者曰國占東風入律百旬不休青雲
干呂經月不散意中國有好道之君故來貢 原神僊
傳曰葛元行遇神廟乘車不下須臾有大風逐元塵埃
漲天元大怒曰小邪敢爾即舉手指風風便止 增說
寶曰孫權據江東曹操伐之進兵赤壁勝負未分權大
將周瑜問計于諸葛亮亮曰用火攻可以破之瑜曰恨
無東南風耳亮曰可建星壇一所為都督借風數日即

可破曹矣瑜大喜令人于南屏山下築臺三層插二十八宿旗色按六十四卦用一百一十人侍立左右禹步踏罡三上三下而去至其夜東南風起瑜部將黃蓋詐降順風放火燒盡北船曹操狼狽奔還江南安堵皆亮之功也 晉書曰永和元年大風拔柳樹百餘株若風從八方來者 又曰車駕出相風在前刻烏于竿上名曰相風 世說曰滿奮畏風在晉武帝坐北窓作琉璃屏實密似疎奮有寒色奮曰臣猶吳牛見月而喘 又

曰庾亮出鎮江州以帝舅故內執朝權王導不能平時
王在冶城坐大風揚塵王輒舉扇拂塵曰元規塵汙人
續仙傳曰吳真君嘗遇大風書符置屋上有青鳥銜
去風即止 宋書曰明帝體肥憎風夏月常著小皮衣
拜左右二人為司風令史風起方向輒先啓聞 又曰
宗慤字元幹炳兄子也少時問慤所志答曰願乘長風
破萬里浪 北史曰齊神武時芒山之役風從西來入
營李業興曰小人風來當大勝神武曰若勝以爾為本

州刺史後果驗 梁書曰長沙王懿孫儼獻相風鳥

趙錄曰石勒時忽有旋風下屬地隱隱雷聲良久視之
見一大石 幽怪錄曰蕭至忠為晉州刺史欲獵有樵
者于霍山見一長人俄有虎兕鹿豕狐兔雜駢而至長
人曰余九冥使者奉北帝命蕭君畋汝輩若干合鷹死
若干合箭死有老麋屈膝求救使者曰東谷巖四善課
試為求計羣獸從行樵者覘之至深巖有茅屋黃冠一
人老麋哀請黃冠曰若令滕六降雪巽二起風即蕭使

君不復出矣昨滕六喪偶得美女納之雪立降矣巽二
好飲酒得醇醪賄之則風立生有二狐自稱能取之羣
獸散去翌日未明風雪暴至竟日乃罷蕭使君果不出

貞觀政要曰侯君集平高昌之後太宗欲以其地為
郡縣褚遂良曰高昌塗路沙磧千里冬風冰冽夏風如
焚行人遇之多死 酉陽雜俎曰山人包超明皇令隨
哥舒翰西征每陣常得勝風 柳公權本傳曰公權侍
文宗遊後庭聯句帝曰人皆苦炎熱我愛夏日長公權

曰薰風自南來殿閣生微涼 九國志曰徐溫常自迎

鑾還至百家灣暴風起舟人相顧失色溫乃袒裼以帛
繫環首顧謂妾御曰吾善游倘溺不暇相救幸保此子
言訖風浪暫息 江湖紀聞曰石尤風者傳聞石氏女
嫁為尤郎婦情好甚篤尤為商遠行妻阻之不從尤出
不歸妻憶之病臨亡長歎曰吾恨不能阻其行以至于
此今凡有商旅遠行吾當作大風為天下婦人阻之自
後商旅發船值打頭逆風則曰此石尤風日遂止不行

邢子勵地記曰龍山石上往往有仙人及龍迹故以
為名四麓各有一大穴大如車輪春則風出東秋出西
夏出南冬出北不相奪倫有沙門法猛於夏日入其東
穴見石屋石人 潛確類書曰俗謂風曰孟婆按北齊

李騊

陶駭

徒聘陳問陸士秀曰江南有孟婆何神也士

秀曰山海經帝之女遊于江中出入必有風自隨以帝
女故曰孟婆猶郊祀志以地神為泰媼 天中記曰吳
俗以十月初五為五風生日漁者盛陳牲醴饗並湖諸

祠祈此日有風則每五日風雨如期而至終歲皆然可
以揚帆取魚謂之五風信 梁州記曰入褒谷內有風
出三四里內無復木草

風三

原鷺鳴

虎嘯

禮記曰前有塵埃則載鳴焉孔疏曰鷺即今時鷓鴣也鷓鴣鳴則風生淮南子曰

虎嘯而谷風至高誘注曰虎陽獸與風同類

汾河

易水

漢武帝秋風辭曰秋風起兮白

雲飛草木黃落兮鴈南歸泛樓船兮濟汾河橫中流兮揚素波燕世家曰太子送荆軻於易水之上軻起為

壽歌曰風蕭蕭兮易水寒壯士一去不復還高漸離擊筑和之為壯聲則士髮衝冠為哀聲則士皆流淚

大王

少女

宋玉風賦曰此獨大王之風耳下詳風一

銅鳥

石鷺

上詳

風一庾仲淮湘州記曰零陵山有石鷺遇風雨則飛止還為石

折木

偃禾

史記項

羽圍漢王三匝於是風從西北起折木拔屋揚沙石楚軍大亂漢王乃得從數十騎遁去下詳風二

獵蕙

汎蘭

宋玉風賦曰獵蕙草下詳風一

鷓退

鵬搏

上詳風一鷓作

鵬搏扶搖而上者九萬里司馬彪注曰扶搖上行風莊子曰北溟有魚其名曰鯢化而為鳥其名曰鵬

動扇

搖翼

班婕妤詩曰新製齊紈素鮮潔如霜雪裁為合歡扇團團似明月出入君懷袖動搖

微風發帝王世紀堯時厨中自生肉脯薄如翼搖鼓則生風使食物寒而不臭名翼脯翼山甲反虞

琴

漢筑

帝王世紀曰舜彈五絃琴歌曰南風之薰兮可以解吾民之愠兮南風之時兮可以阜吾

民之財兮漢書曰高祖過沛擊筑自歌曰大風起兮雲飛揚吹阮衿揚袁扇
阮籍

詠懷詩曰夜中不能寐起坐彈鳴琴薄帷鑒明月清風吹我衿孫盛晉陽秋曰袁宏為東郡謝安執宏手授

扇宏曰輒當奉揚仁風慰彼黎庶嬰兒神女上詳風一博物志云文王夢婦人哭問

之曰吾為太山神女嫁與西海君堯日晉年
堯時五日

一風嵇含云晉太康六年風暴怒百川倒流太山崩裂又七年狂風大作千里五色

抱朴子曰拔木之風尹喜占列子御
神仙傳曰老子將去周而

必千里下詳風二出關以升崑崙關今尹喜占風逆知當有神人來過乃

掃道見老子老子知喜命應得道乃傳關下以長生之術授之斷大刑赦小過並詳風一爰居避災鳥

鵲識歲

上詳風二 淮南子鳥鵲識歲之多 風去喬木而巢扶枝許慎注扶傍也

增綴鈴

懸玉

開元遺事云五王宮中各立長竿挂五色旌于竿上四垂綴以金鈴如鈴有聲即往視旌之所

向可以知四方風候 又云唐岐王宮中於竹林內懸碎玉片每夜聞相觸之聲即知有風號占風鐸

齊殿

陶窓

上詳風二 晉陶潛字淵明一字元亮號靖節五六月中高臥北窓之下清風颯至

自謂義皇上人

飛車

折蓋

上詳風二 崔豹古今注云武王伐紂大風折蓋太公因折蓋

之形而製曲蓋

吹花

擘柳

遜齋閒覽云河朔春時多大風飛塵撼木數日一作每作輒三

二日方止以訪左右對曰不得是風且無年是名吹花擘柳草木百穀皆藉之

舶趲

石尤

東坡集云吳中梅雨既過颯然清風彌旬歲歲如此湖人謂之舶趲風 宋武帝丁都護歌曰都護北征時儂

亦惡間許願作石尤風四面斷行旅唐戴叔倫贈裴明府詩知君未得去慚愧石尤風即打頭風也

起

蘋

制薤

宋玉風賦云夫風生於地起於青蘋之末荆山圖云恨山縣山下有石牀傍生野薤人

往乞者神許風順制其分人隨偃而剪不得過分

封姨

颶母

博異志云唐天寶中處士

崔元微春夜忽有青衣引女子曰楊氏陶氏李氏小女石氏名醋醋與元微相見云欲到封十八姨處坐未定封家姨至崔命酒諸女各歌以送之姨輕佻翻酒汙醋醋衣醋醋怒拂衣去諸女送姨而別明夜又來醋醋曰諸女伴皆住苑中為惡風所撓求芘于姨今失其意難以取力乞處士歲旦作一朱幡圖日月星辰之文立于苑東則免矣今歲旦已過請至二月二十一日五更立之崔如其言果大風而苑花不動後諸女裏桃李花數斗勸崔服之可卻老蓋楊桃李花之精醋醋則石榴也南越志熙安間多颶風颶者具四方之風也常以六

七月發未至時三日雞犬為之不寧一曰懼風言怖懼也又嶺表錄曰夏秋之間有暈如虹者謂之颶母必有

颶風蘇叔黨

解凍

祛塵

上詳風一記曰崑山有四面風又有

祛塵風若衣服塵汚風至吹衣則淨

動竹

開花

庾肩吾詩云掃壇聊動竹吹薤欲成書

祖孫登詩云帶葉俱吟樹將花共舞空

送香

飄粉

梁簡文帝詩云暫舞驚鳥去時送葉

香來古詩云入鏡先飄粉翻衫好染香

君子

故人

論語云君子之德風古詩云清風

來故人

張翰思蓴

王導拂扇

張翰字季鷹辟齊王東曹掾在洛見秋風起因

思吳蓴菜羹鱸魚膾曰人生貴得適意爾何能羈宦數千里遂命駕而歸下詳風二

歌北歌

南叩商叩角

左襄公十八年晉人間有楚師師曠曰不害吾驟歌北風又歌南風南風不競

多死聲楚必無功
涼風忽至草木成實
及秋而叩角絃以激
夾鍾溫風徐
回草木
發榮

風四

原動物

釋名曰風汜也其宣氣

山海經曰大荒之中有

出名曰折丹處東極以出入風注
曰折丹神人節宣風氣時其出入

變色

迅雷風烈必

辯聲

善候風占
聲知吉凶

地籟

詳風

為馬

傳玄歌辭云雲
為車兮風為馬

揚沙

春秋緯曰月離
于箕風必揚沙

屨石

屨動

竟山

周景式廬山記
曰若風輕竟山

有聲若雷不十日便
驗土人常以為候

拂野

驚颼拂野
林無靜柯

觸幃

建康實錄
吳孫權與

關羽戰羽乞降孫權以問趙達達曰彼有走氣言降詐也權使人路邀之趙達曰雖走必不脫時午時有風觸

幃達撫手曰羽衝孔風賦拂堂北齊書曰武衛奚永洛至矣果獲羽至

有鵲鳴於庭樹上闕而墜焉子信曰鵲不喜向夕若風從西來歷樹拂堂角則夜必有召君輒不得往子信出

後果風來至夜高儼使人召永洛且云勅喚永傾屋陸洛便欲去其妻止之而稱馬墜腰折果免難也

連珠云衝波安流則龍舟不能以吹瓢許由以瓢挂漂震風洞發則夏屋有時而傾

聲由以為煩入松琴曲有回雪曹植洛神賦云飄飄取而捐之風入松

揚塵賦風奪炎常恐秋節至涼颼奪炎熱星好尚書曰星馬依

胡馬依北風宮商黃閔武陵記曰綠蘿山素崖若披雲寒松撫翠流風叩柯則有宮商之韻音

御定淵鑑類函

響

陸機風賦曰歛朱脣而長嘯承音響而來薄

穆若

穆若清風淒其以風

發兮

匪風

奮之

奮之以風雷

有隧

大風

數起

風災數起國多暴雨

驟歌

詳風

如歌

趙壹迅風賦曰聲如歌響如雷

蕭瑟

劉欣期交州記曰長風終日蕭瑟

感

發詩

震凌

楊子曰震風凌雨然後知夏屋之為幘幘也

慄怒

風激物之貌

冷

冷

獵獵

並文選

凱風

山海經曰南山東四百里至於旄山之尾其南有谷曰育遺多

怪鳥凱風自是出

撓萬物

詳風一

具四方

詳風三颶母注

燭龍息

詳風

一鯨魚起

扶南傳曰西海有山周迴十里中有大石鼓可百丈海行聞石鼓聲如雷則鯨便起而風

也

出蒼梧

顧微南海經云蒼梧山左右出風故曰風門

出中谷

山海經云今丘之山

無草木多火其南有谷焉曰中谷條風自是出

崑崙竅

王歆之始安記曰沈軍壘北有崑崙山連

峙千仞嶺峯蓋川常颺颺焉有風竅

黃竹門

荊州記曰沮陽縣黃竹山其西北一處常肅肅有風名曰

風門 **宜都井**

又曰宜都佷山縣山上有風穴口大數尺名風井夏風出冬風入出入之時吹拂左

右常 **恒山井**

宗炳詩序曰恒山風井口如瓮春分後出秋分後入

四時避

養生經云

脩身之道春避青風夏避赤風秋避白風冬避黑風

八至變

春秋考異郵云冬至十一月陽之氣也陽

立於五極於九五九四十五日一變風

空穴來

穢穢來巢空穴來風

立秋至

周書曰小暑日溫風至立秋日涼風至

天地之使

河圖云風者天地之使也

萬物之

首 樂動聲儀云風者禮樂之使萬物之首

箕主簸揚

風俗通曰箕星主簸揚能致風氣

綿綿眇眇

風賦傳玄

清清泠泠

宋玉風賦

胡馬增思

湛方生風賦

猛虎騰驤

成公綏風賦

颯然而至

快哉此風

且靈且暴其

涼其喑

增從律

禮記曰八風從律而不奸

傳涼

文選曰飄飄散芳甸傳涼入鏤檻

寒商

秋風也寒商動清閨

如意

王氏彙苑云衫隨如意風

風駟

初學記云秋風

為駟

叩林

六朝詩曰悲商叩林

澹蕩

唐詩春風正澹蕩

摧木

王氏彙苑曰木

秀于林風必摧之

驚塵

蘇東坡詩春風陌上驚微塵

枯桑

古詩枯桑知天風

涼

颼

颼風也輕扇動涼颼

塤然

楚辭云塤然起兮橫坡

羊角

晉史曰熙寧九年恩州武

城縣有旋風自東南來望之挿天如羊角大木盡拔

烈士風

見王融風賦

幽人風

見謝朓
擬風賦

羽客風

見沈約
擬風賦

鯉魚風

九月風也

花信風

小寒

梅山茶水仙為信大寒瑞香蘭山礬為信立春迎春櫻桃望春為信雨水菜杏李為信驚蟄枇杷棠薔薇為信

春分海棠梨木蘭為信清明桐麥柳為信穀雨牡丹茶蘼棟為信此二十四番花信風也

類笙等

古詩松風

韻自生

唐劉得仁詩曰庭際微風度高松韻自生聽時無物見盡日覺神清

麥信風

國史補云江淮船汴流而上待東北風謂之信風七八月有上信三月有鳥信五月有麥

信

離合風

陸機要覽云列子御風嘗以立春遊八荒立秋歸乎風穴是風至草木發生去則搖

落謂之離合風

雄雌風

詳宋玉

候風統

淮南子曰若統之

候風扇也楚人謂之五兩文選曰占五兩之動靜注云以雞羽為之重五兩繫于橋尾以候風故唐李愔送少

府貶柳州詩云惡說南風五兩輕
胡宿津亭詩云五兩風來不暫留

秋風曲

羯鼓錄云
唐明皇制

秋風高一曲每奏之則
秋風徐來庭葉交墜

反風滅火

王氏景范劉崑
為政反風滅火

風五

詩原晉庾闡江都遇風詩曰天吳踊靈壑將駕奔冥霄
飛廉振折木流景登扶搖洪川佇宿浪躍水迎晨潮仰
眄蹙玄雲俯聽聒悲飈梁簡文帝詠風詩曰飄飄散
芳甸汎漾下蓬萊傳涼入鏤檻發氣滿瑤臺委委周邦
偃飛鷗宋都迴亟搖故葉落屢蕩新花開暫舞鷺鳬去

時送藥香來已拂巫山雨何用卷寒灰 梁孝元帝詠

風詩曰樓上試朝妝風花下砌傍入鏡先飄粉翻衫好

染香度舞飛長袖傳歌共繞梁欲因吹少女還將拂大

王 梁劉孝綽詠風詩曰嫋嫋秋聲習習春吹鳴茲玉

樹煥此銅池羅幃自舉衿袖乃披慙非楚侍濫賦雄雌

梁王臺卿詠風詩曰浸淫不可識去來非有情乍見

珠簾卷時覺洞房清暫拂蘭池上潋灩玉塵生一辨雌

雄異還惡庶人輕 梁何遜詠風詩曰可聞不可見能

重復能輕鏡前飄落粉琴上響餘聲 梁庾肩吾詠風

詩曰宋地鷓鴣飛初湘川鷺起餘埽壇聊動竹吹薤欲成

書蒼梧洞猶在合浦樹應疎銅鳥一轉翅千里定非虛

梁賀文標詠春風詩曰排簾動輕幔汎水拂垂楊本

將飄落藥翻送舞衣香 梁費昶入幌風詩曰經堂汎

寶瑟乘隙動浮埃鏘金驅響至舉袂送芳來能使蘭膏

減乍見珠簾開輕裾試一舉令子暫遲迴 梁沈約八

詠曰臨春風春風起春樹遊絲暖如網落花零似霧先

汎天津池還過細柳枝蝶逢飛搖漾燕值羽參差揚桂
旆動芝蓋開燕裾吹趙帶趙帶飛參差燕裾合復離迴
簪復轉黛顧步惜容儀容儀已照灼春風復迴薄氤氲
桃李花青跗含素萼既為風所開復為風所落搖綠帶
抗紫莖舞春雪雜流鶯曲房開兮金鋪響金鋪響兮妾
思驚梧臺未陰淇川始碧迎行雨於高唐送歸鴻於碣
石拂明鏡之冬塵解羅衣之秋襞既鏗鏘以動佩又綢
繆而流射始搖盪以入閨終徘徊而緣隙明珠簾於繡

戶散芳塵於綺席佳人不在茲春風誰為惜 陳張正
見風生翠竹裏應教詩曰金風起燕觀翠竹夾梁池翻
花疑鳳下颺水似龍移帶露依深葉飄寒入勁枝聊因
萬籟響詎待伶倫吹 陳祖孫登詠風詩曰飄颺楚王

宮徘徊繞竹叢帶葉俱吟樹將花共舞空飄香雙袖裏
亂曲五絃中試上高臺聽悲響定無窮 隋阮卓賦得
風詩曰高風應爽節搖落漸疎林吹雲旅鴈斷臨谷曉
松吟屢棄涼秋扇恒飄清夜琴泠泠隨列子彌諧逸豫

心 唐太宗詠風詩曰蕭條起關塞搖颺下蓬瀛拂林

花亂彩響谷鳥分聲披雲羅影散汎水織文生勞歌大
風曲威加四海清 虞世南奉和詠風應魏王教詩曰
逐舞飄輕袖傳歌共繞梁動枝生亂影吹花送遠香

王勃詠風詩曰蕭蕭涼景生加我林壑清驅煙入磴戶
卷霧出山楹去來固無跡動息如有情日落山水靜為
君起松聲 董思恭詠風詩曰蕭蕭度閭闔習習下庭
闈花蝶自飄舞蘭蕙生光輝相鳥正舉翼退鷁已驚飛

方從列子御更逐浮雲歸 增唐李嶠詠風詩曰落日

生蘋末搖颺徧遠林帶花疑鳳舞向竹似龍吟月動臨

秋扇松清入夜琴蘭臺宮殿峻還拂楚王襟 張祐詠

風詩曰搖搖歌扇舉悄悄舞衣輕引笛秋臨塞吹沙夜

遠城向峰回鴈影出峽送猿聲何似琴中奏依依別帶

情 韓琮詠風詩曰競持飄忽意何窮為盛為衰半不

同偃草喜逢新雨後鳴條誰聽曉霜中涼飛玉管來秦

甸暗裊花枝入楚宮莫見東西便無定滿帆還有濟川

功 駱賓王詠風詩曰紫陌炎氛歇青蘋晚吹浮亂竹

搖疎影縈池織細流飄香曳舞袖帶粉泛妝樓不忿君

恩絕紈扇曲中秋 李益詠風詩曰微風驚暮坐臨牖

思悠哉開門復動竹疑是故人來能滴枝上露稍沿階

下苔幸當一入幌為拂綠琴埃 釋皎然詠風詩曰江

風西復東飄暴忽何窮初生虛無際稍起蕩漾中應吹

夏日檣竿折定蹙湓城浪花咽今朝莫怪沙岸明昨夜

聲狂卷成雪 呂溫詠風詩曰微風生青蘋習習出金

塘輕搖深林翠靜獵幽徑芳北走摧鄧林東去落扶桑
埽却垂天雲澄清無私光悠然返空寂晏海通舟航

羅鄴春風詩曰每歲東來助發生舞空悠颺徧寰瀛暗
添芳草池塘色遠遞高樓簫管聲簾透驪宮偏帶恨花
催上苑剩多情如同一統車書日吹取青雲道路平

公乘億賦得春風扇微和詩曰麗日催遲景和風扇早
春暖浮丹鳳闕韶媚黑龍津澹蕩迎仙仗霏微送畫輪
綠搖官柳散紅待禁花新舞席皆迴雪歌筵暗送塵幸

當陽律候惟願及佳辰 陳九流賦得春風扇微和詩

曰喜見陽和至遙知橐籥功遲遲散南陌裊裊逐東風

暗入畦園裏潛吹草木中蘭蓀纔有綠桃杏未成紅已

覺寒光盡還看淑氣通由來榮與悴今日發應同 豆

盧綰賦得春風扇微和詩曰春晴生縹緲軟吹和初遍

池影動奩淪山容發蔥蒨遲遲入綺閣習習流芳甸樹

杪颺鶯啼階前落花片韶光恐閒放旭日宜遊宴文客

拂塵衣仁風願迴扇 樊陽源賦得風動萬年枝詩曰

珍木羅前殿乘春任好風振柯方裊裊舒葉乍濛濛影

動丹墀上聲傳紫禁中離披偏向日凌亂半分空輕拂

祥煙散低搖翠色同長令占天眷四氣借前功 張復

元賦得風光草際浮詩曰纖纖春草長遲日度風光霍

靡含新彩霏微籠遠芳殊姿媚原野佳色滿池塘最好

垂清露偏宜帶艷陽淺深浮嫩綠輕麗拂餘香好助鶯

遷勢乘時翼便翔 張聿賦得景風扇物詩曰何處青

蘋末呈祥起遠空晚來搖草樹輕度淨塵蒙水上微波

動林間媚景通寥天鳴萬籟蘭徑長幽叢漸颺搏扶勢
應從橐籥中開襟若有日願覩大王風 穆寂冬至日

祥風應候詩曰節逢清景空占氣二儀中獨喜登臺日
先知應候風呈祥光舜化表慶感堯聰既與乘時叶還
將入律同微微萬井遍習習九門通更統爐煙起殷勤
報歲功 蔣防賦得八風從律詩曰製律窺元化因聲
感八風遠從萬籟起更與五音同習習爐煙上泠泠玉
管中氣隨時物好響徹霽天空自得陰陽順能令惠澤

通願吹寒谷裏從此達前蒙 宋仁宗秋風詩曰玉律

轉清商金飈送晚涼輕飄梧葉墜暗度桂花香月下生

林籟天邊展鴈行吹噓禾黍熟萬頃似雲黃 明黃元

詠風辭曰目渺洞庭波辭雄楚江宴帝子正愁予羈臣

髮先變冷然閭闔生颯爾江潭遍隨陽驚塞鴈附熱驅

巢燕縈迴步雲飛飄拂歌雪轉衣露戒履冰絃霜愁淚

霰蔡文掩悲笳班姬襲團扇淒涼如一宵偏向長門殿

張倩倩詠風詩曰蕭蕭竹徑鳴捲幔如有情木落寒

山裏千林共一聲

賦原宋玉風賦曰楚襄王遊蘭臺之宮宋玉景差侍有
風颯然而至王乃披襟而當之曰快哉此風寡人與庶
人共者耶宋玉對曰夫此特大王之風耳庶人安得共
之夫風生於地起於青蘋之末侵淫谿谷盛怒於土囊
之口緣太山之阿舞於松柏之下故其清涼雄風則飄
舉升降乘凌高城入於深宮徘徊於桂椒之間翱翔於
激水之上獵蕙草離秦蘅惝辛夷被稊楊北上玉堂躋

于羅幃經于洞房故其風清清泠泠愈病析醒發明耳目寧體使人此所謂大王之雄風也夫塤然起於窮巷之間動沙堞吹死灰此所謂庶人之雌風也 後漢趙壹迅風賦曰惟巽卦之為體吐神氣而成風纖微無所不入廣大無所不充經營八荒之外宛轉毫毛之中察本莫見其始揆末莫覩其終啾啾颼颼吟嘯相求阿那徘徊聲若歌謳搏之不可得繫之不可留 晉李充風賦曰尋之不見其終迎之不知其來四方為之易位八

維為之輪迴遊聚則天地為一消散則六合洞開 晉
陸沖風賦曰爰太元之遐始惟浮沉之剖分詳乾坤之
至德莫風氣之獨尊配無形於大象化萬品於絀緼釋
凝潤於黃壤降霈澤於蒼元生無常域潛無定棲擢昧
聚發尋虛散歸肆六合以騁邁括毫毛而徘徊引沉性
於未萌挫發形於已就宣剛柔之流化導四氣之靈候
若乃祝融司節炎精赫奕斂朱脣而長嘯承音響而來
薄猥燭熠以盈扉冽纏綿以結幕九域蕩搖區宇揮霍

晉湛方生風賦曰有氣曰風出自幽冥蕭然而起寂
爾而停雖宇宙之宏遠倏俄頃之屢經同神功於不疾
等至道於無情胡馬感而增思風母殞而復生啓慘冬
之潛蟄達青春之句萌因嚴霜以厲威順和澤以開榮
故君德喻其靡草風人假以為名及其猛勢將奮屯雲
結陰洪氣鬱拂殷雷發音勃然鼓作拂高凌深天無澄
景嶺無停林六鷗為之退飛萬竅為之哀吟亦有飄冷
之氣不疾不徐颼颼微扇疊疊清舒王喬以之控鶴列

子以之乘虛若乃春惠始和重褐初釋遨步蘭皋遊眄
平陌響詠空嶺朗吟竹柏穆開林以流惠竦神襟以清
滌軒濠梁之逸興暢方外之冥適 晉江適風賦曰惟
渾成之既載兮統天地以資始網宇宙以結羅兮洞萬
形而通紀莫適柔健靡測陰陽於音罔徵在體無方假
姿衆象借韻宮商若乃颺厲狂震觸物怒號卷揚江海
迴拔陵嶠巨鷗迸懾以退翼爰居畏縮而遐逃 晉王
凝之風賦曰起元朔之重雲驅東極之洪濤越四溟而

蓬勃經五嶺而蕭條其鼓水也無川不涉靡流不往溟

海天迴江湖雲蕩齊王融擬風賦曰奄今日彩之既

移忽兮羣景之將馳靡輕筠之碧葉泛曾松之翠枝總

高羽而蕭瑟韻珠露之參差此烈士之英風長寥亮其

如斯齊謝朓擬風賦曰開翠帷之影藹響行珮之輕

鳴揚淮南之妙舞發齊后之妍聲下鴻池而蓮散上雀

臺而雲生子雲寂寞叔夜高張煙霞潤色荃蕙結芳出

幽澗而泉列入山戶而松涼眇神王於丘壑獨起遠於

孤觴斯則幽人之風也 梁沈約擬風賦曰若夫搖玉

樹響金扉拂九層之羽蓋轉八鳳之珠旂時卷瑤臺翠
帳乍動佚女輕衣此蓋羽客之仙風也 增唐陳章風

不鳴條賦曰風之起兮不觸而行條之應兮有動無聲

察微祥於生植表靜理於承平輕搖而曉露初滴暗裊
而春鳩轉鳴入楊園而若舞拂花徑而如迎寂兮冥兮
自南自北其去莫止其來可測方縈仙樹萬年之影稍
垂爰報聖時五日之期不忒長養資於皇化沉潛契乎

玄德似有心於松柏之內上下依依類無言於桃李之間往來默默嫩葉隨轉柔荑共舒颺絲光於空際惹絮影於春餘聽莫得聞訝繁柯之茂爾視之不見驚疊萼之攢如倏自邇而通遐俄起彼而集此順八方之候若有若無調四序之宜時止則止由是輕纔偃草細不揚波異秋吟之推木同春扇於微和均習習之容寧比夫空穴而至絕蕭蕭之響誰謂其高臺則多散漫千林翱翔九野脩通匪亂於疾徐溥暢必齊其高下含其元也

亦類於人焉靜以化之乃符於王者片塵靡驚於厚地
羣籟皆息於晴天我國家化將時茂德與風傳佇見傾
梧之後棲儀鳳於君前 李叔南風之薰賦曰至矣哉
如天之君聲明化淳穆南端而作樂播薰風以養人順
聖時而和則氣無留慝解吾氓之愠故物無不親所以
應乎品類遍乎天地感一德而當陽處八方之正位使
夫微者必扇幽者必遂不以動而有光和而能至風之
始也日月貞明星辰齊平然後蕩蕩而起熙熙而生觸

類而煦然長育無朕而潛來備盈行而有孚倚五絃而
調四氣廣而不費匝九垓而周八紘非比夫抵華葉陵
高城轉叢蕙而渥彩合萬頃而成聲者也風之達也本
於元首播於羣有使五福富昌萬物殷阜宜其叶無為
之大化非獨革有苗之小醜 宋蘇過颶風賦曰仲秋
之夕客有叩門指雲物而告予曰海氛甚惡非祲非祥
斷霓飲海而北指赤雲夾日而南翔此颶之漸也子盍
備之語未卒庭戶肅然槁葉簌簌驚鳥疾呼怖獸辟易

忽野馬之決驟矯退飛之六鷁襲土囊而暴怒掠衆竅
之叱吸予乃入室而坐斂衽變色容曰未也此颶之先
驅爾少焉排戶破牖殞瓦擗屋礮擊巨石揉拔喬木勢
翻渤海響振坤軸疑屏翳之赫怒執陽侯而將戮鼓千
尺之濤瀾襄百仞之陵谷吞泥沙於一卷落崩崖於再
觸列萬馬而並驚會千車而爭逐虎豹驚駭鯨鯢奔蹙
類鉅鹿之戰殷聲呼而動地似昆陽之役舉百萬於一
覆予亦為之股慄毛聳索氣側足夜拊榻而九徙晝命

龜而三卜蓋三日而後息也父老來啗酒漿羅列勞來
僮僕懼定而說理草木之既偃葺軒檻之已折補茅屋
之罅漏塞牆垣之隕缺已而山林寂然海波不興動者
自止鳴者自停湛天宇之蒼蒼流孤月之熒熒忽悟且
歎莫知所營

御定淵鑑類函卷六